

孚惠全書

子惠全書卷五十一

歲撥裕食五

乾隆二十三年正月二十九日奉

上諭據吉慶奏近年截漕過多一摺稱康熙年間
共截過漕米二百四十萬石雍正年間亦不過二
百九十餘萬石今已截至一千三百二十餘萬石
等語所奏固亦慎重京庾之意但朕偶遇偏災已
譏乙溺之懷自不容已初亦不計截漕之數遂至
如此之多若恐京倉易缺而於待哺災民稍有靳
惜朕從來無此意見設多方顧慮其遂將重視倉
廩之儲蓄而偶有災數不為通融拯救耶至各省
地方官因朕屢屢截漕遂於常平倉穀不實力籌

辦此種情節實亦不免要在督撫司道等嚴飭屬員先事豫圖行之以實耳常平所貯原以備水旱不虞若需用過多自不能再取給於漕糧而完不可專恃漕糧為散賑平糶之用况江浙等省有漕可截尚可藉以接濟若雲貴等無漕者分惟資倉穀賑借設不實善儲備一遇災歉將何以應之嗣後各省大員務當留心查察勿得奉行故事以致有名無實至朕軫念災黎有加無已之意固有出於不自覺者無論所截漕糧已十倍於原照雍正年間而截漕之外一切賑借所用倉穀又不知凡幾此亦天下所共知者易曰有孚惠心勿問元吉朕非問也然試平心而論朕之於民為痼癩一

體邪仰猶有隔膜之見邪近年如江浙河南山東等省被災雖已多方賑卹不下數千萬朕心猶不免惻然而竄虫無知之流或邪教之屢興或忌諱之自若則有司奉行之下善教化之未臻不能不情過於懷而愧吾誠之未至也然朕必不因吉慶此奏總總過計致於撫恤災黎轉有所節者也
摺並發

二月初九日奉

上諭湖北撥運豫米船料業經降旨免其徵收其運東川米原船回空時如查無攪載各貨者一體加恩免其徵收船料以示優卹該部即遵諭行

十月十三日奉

上諭陝西延安榆林沿邊一帶米價稍昂現將寧夏倉糧以資協濟而雇車領運若照定例給以官備窮民往返未免拮据著加恩將靖邊定邊榆林懷遠四縣領運車馬除官備之外每石每百里加銀五分回空仍給半價其將來寧夏軍需各項運竣仍令運糧前往協濟所有車輛牲畜亦照此例一體賞給腳價以示優卹邊氓之意該部即遵諭行

乾隆二十四年四月十一日奉

上諭各省糧艘陸續抵津現在北河水勢微弱而南漕數目較往歲為多撥運需船自必更多但多用船隻則於商貨往來或不能通行無滯天津北

倉原係存貯木石之所著將先到漕船照上歲之
測即於天津截留四十萬石存貯北倉或留為賑
難之需或俟夏秋再緩運北上無不可也將來水
勢長發續到糧艘足資浮送自可直抵通倉著方
觀承會同漕運總督楊錫斌酌量情形妥協辦理
該部即遵諭行

五月初四日奉

上諭前經降旨令方觀承將本年先到漕糧截留
四十萬石存貯天津以備賑糶之需現今雨澤未
敷近京州縣糧價稍昂民食恐未能充裕著再截
留漕糧二十萬石於景州以北至天津一帶水次
州縣酌量分貯以資接濟該部即遵諭行

初九日奉

上諭昨因近京州縣糧價稍昂已降旨將先列漕糧截留四十萬石存貯北倉又於景州以北一帶水次州縣截貯二十萬石以備撥用但此時雨澤尚未霑沛且距秋成尚遠不可不先事豫籌若再截留二十萬石分貯景州以北水次州縣以資接濟交與總督方觀承會同漕督楊錫紱於現到漕船內遵照前旨辦理

十一月十八日奉

上諭前因直屬夏間得雨稍遲恐向後糧價昂貴是以豫令楚省於存倉穀內碾米十五萬石分搭漕船運通以為有備無患之計旋因畿輔甘霖普

降秋田並獲有此現在搭運之項並無需用而浙省有間被偏災之處該撫正在委員赴江廣採買接濟莫若即將楚省此項米石免交浙省委員運回備用既不須往來購運之煩而被此災多益寡調劑尤為通宜其江西現有搭運通倉米十萬石即著就近留於江蘇水次州縣以備撥用該部速遵諭行

乾隆二十五年正月初三日奉

上諭甘省被災各屬倉儲未能充裕業令該督撫撥運本省及陝省糧四十餘萬石分貯災屬備用但各間賑糶兼行恐有不敷著於鞏昌寧夏西寧秦州四府州倉儲有餘之處除留本地備用外再

酌撥十餘萬石就近運赴被災各屬俾賑恤借賴
寬裕儲備以資應用該部即遵諭行

乾隆二十六年十月初三日奉

上諭朕明春恭奉

皇太后聖駕南巡著照丁丑年例於江浙兩省冬
兌漕糧內各截留十萬石在水陸駐蹕地方分廠
平糶著漕運總督及各該督撫會同妥協辦理該
部遵諭速行

初九日奉

上諭比因直隸應需賑糶米石已降旨今後至漕
艘尾幫及通倉酌撥糧共二十萬石運赴備用現
在各省漕儲全數抵通綜計入倉歲入至為充裕

而直屬附近被水偏災之地當青黃不接時宜從
優撥善貯備俾地方穀多價減於民計尤為有利
著於通倉內再行撥米二十萬石交與直隸總督
方觀承會同倉場侍郎等照前次成例酌令需米
州縣赴通領運以資接濟

初九日奉

上諭今歲各省全漕抵通綜計太倉儲積甚為充
裕直屬已疊降諭旨加恩截糧四十萬石以備賑
糶平價之需因念山東所屬今秋被水偏災之處
雖非豫省可比但循例撫卹之外亦應多為儲備
俾青黃不接時小民得資接濟著於本年應運漕
儲內截留十萬石存貯該省備用其豫省本年漕

糧現經禁行停止除應行蠲免外所有現在緩徵應行補徵起運者並著一併留貯該省隨時酌量應用以示軫卹

二十日奉

上諭據省本年漕糧前已降旨加恩分別蠲緩該省尚有應解交內務府麥一萬石該撫胡寶琛摺奏請於未被水州縣應完粟米內改徵運解但念通省漕運俱停何必為此一項仍復行艱輸著一體並停運解所有內務府明年應需米石暫令自行採買應用該部遵諭速行

乾隆二十七年正月十三日奉

上諭朕因巡幸江浙前經降旨著照丁丑年之例

於江浙兩省免漕糧內各截留十萬石豫備臨時平糶之用所有此項減歇漕船內例止給一半月糧於該丁等生計未免拮据者加恩於應給月糧之外再賞給十分之二該部遵諭速行

三月十四日奉

上諭本年巡幸江浙降旨截留漕糧以備平糶所有此項減歇漕船業已加恩於一半月糧之外賞給十分之二而各省因災減歇漕船向例俱止給一半月糧於該丁等生計未免拮据亦著加恩各於應給月糧之外賞給十分之一該部遵諭速行

六月十五日奉

上諭直隸自五月以來雨水稍多看來近京一帶

低窪地故不免有積水被災之處應需米石撥用
自應豫為籌備現在漕船未經抵通北兌者尚多
著總督方觀承於尾幫所過之天津北倉以南附
近水次各州縣分別酌量情形約共截留漕糧二
十萬石以備將來撥用並諭漕運總督倉場侍郎
知之該部遵諭速行

二十四日奉

上諭前因直隸雨水稍多低窪地故不免有積水
被災之處曾經降旨於天津以南附近水次州縣
截留漕糧二十萬石以備撥用但念現在被水各
屬收成不無歉薄將來需米之處尚多前此所截
糧石恐不敷用著再加恩於抵津各幫內截留十

萬石一併存貯北倉備用該部遵諭速行

七月初五日奉

上諭前因直隸夏間雨水稍多低窪地故下無積水被災之處已疊經降旨截留漕糧三十萬石以資撥用第念豫善木石不妨寬裕存貯庶為有備無患著加恩於北倉再行截漕二十萬石倘各幫現在俱過天津著該督方觀承即就天津以北附近水次地方的量截留該部遵諭速行並傳諭漕運總督楊錫綏知之

初七日奉

上諭奉天直隸海船往來運販米豆雜糧向有例禁今夏近京一帶雨水過多市價米免稍昂而奉

屬連年豐稔若令商販流通於小民生計甚有裨
益著暫開海禁一年俟明歲秋收後再行停止至
商販船隻出入應行驗票稽查其由京往奉省者
今於步軍統領衙門給票由奉省來京者於奉天
將軍衙門給票庶彼此察核有憑可杜冒濫諸弊
著直隸總督奉天將軍府尹會同酌定章程妥協
經理

乾隆二十八年二月二十二日奉

上諭直隸去秋被水低窪地方近因巡省之次復
疊降恩旨多借籽種以資東作其定例應賑不應
賑極次貧民均予加展一月並加撥部庫銀八十
萬兩濟用更念現在青黃未接之際米價未能驟

平糶即格外得銀猶或難於糴食者再加恩截
留河南山東新運漕糧十五萬石分撥水次附近
被災州縣俾得銀米兼賑閭閻既闕口有資即市
集米價益就平減該部遵諭速行

御製降旨截漕米十五萬石以濟直省賑需於

年前截漕五十萬用佐冬春賑貸資通米青黃遠
不接民艱巡澤周詢知部帑再撥八十萬仍慮難
為無米炊復留新漕五十萬以濟災後頽然眉從
來救荒無善策在盡心以補苴為示大端惟擴充
要共者嗟嗟良有司

乾隆二十九年九月二十五日奉

上諭朕明春茶奉

皇太后聖駕南巡著照從前之例於江浙二省冬
免漕糧各截留十萬石在水陸駐蹕地方分廠平
糶卽令漕運總督及各該督撫妥協辦理該部遵
諭速行

乾隆三十年正月二十日奉

上諭朕因巡幸江浙前經降旨於江浙二省冬免
漕糧內各截留十萬石豫備臨時平糶之用此項
減數漕船向例止給一半月糧於該丁等生計未
免拮据著加恩於應給月糧之外再賞給十分之
二

乾隆三十三年十月二十九日奉

上諭直隸霸州等處本年偶被偏災所有將來應

行加縣各項著撥戶部銀四十萬兩解交直隸藩庫備用

乾隆三十四年正月初八日奉

上諭上年直隸道水州縣窪地間被偏災業經加恩分別賑卹折正又經降旨將霸州等十二州縣極次貧民均予展賑自可不致失所但各該處需用米石頗多而借種平糶亦需米接濟著再加恩撥運通倉米二十萬石以為各該處加賑糶借之用該督其量率屬員實力辦理務使小民均需膏惠該部遵諭速行

乾隆三十五年閏五月初六日奉

上諭據楊廷璋奏本年北運河一帶春末夏初雨

少水淺糧艘通行稽阻請將現未過津之運通船糧酌量截留於天津之北倉存貯等語糧石貯通貯津同一倉儲今既據該督奏請截留著照所請於現未過津之船糧不拘何幫截留二十萬石存貯天津北倉備用該部遵諭速行

八月十一日奉

上諭前經降旨截留漕糧二十萬石存貯天津北倉備用近因武清固安等州縣被水較重已諭令就近撥給今聞直隸被水各屬賑務需米者頗多所撥截留漕糧尚恐不敷接濟著再加恩於通倉撥米二十萬石交總督楊廷璋飭屬妥協辦理俾待食貧民均霑實惠副朕軫念黎元至意該部遵

諭速行

十一日奉

上諭直隸被水各屬收成稍歉現有應行賑卹之處著撥部庫銀五十萬兩以資分給但聞庫銀舊例前經雍正年間果親王奏定凡遇應發銀兩除俸餉外俱有應扣平餘此在工程等項需用銀兩不必悉照部法支給若地方遇有災歉特發帑銀賑卹推期閏寄被恩膏毋許不肖官吏絲毫扣刻其事較俸餉為尤重豈可於部庫撥給時分兩稍有輕減此次所發五十萬兩著該部即於庫貯元寶內如數發往嗣後如遇賑卹之項俱照此行著為令

十六日奉

上諭前因直隸被水各屬賑務需米頗多業經降旨將截留漕糧並撥通倉米共四十萬石交楊廷璋飭屬妥辦茲面詢該督據奏各屬常平投石尚未買足今年臨幸天津復經蠲免舊欠米石現在各州縣倉廩所存尚恐不敷應用著再加息撥通倉米二十萬石俾得寬裕賑給貧民口食並資接濟該部遵諭速行

十月二十七日奉

上諭今歲直隸保定天津等府屬州縣被水偏災業經陸續撥發帑金五十萬兩並撥通倉米六十萬石諭令該督於各州縣應行善賑備賑及冬春

大賑時銀米兼放俾窮民口食有資但念各屬應
賑戶口足將來尚有閒賑旋歸請添之戶前次所
撥賑銀尚恐不敷支用著加恩於部庫內撥銀三
十萬兩以資給放該部遵諭速行

乾隆三十六年正月十一日奉

上諭上年直隸武清等十六州縣被災稍重曾加
恩先後動撥部庫銀八十萬兩又撥通倉及截留
漕米六十四萬石令該督率屬加意賑恤並於新
正降旨再行加賑一月俾方春東作之際貧民口
食有資今據楊廷璋奏稱從前奉撥部庫銀兩除
給各屬急賑備賑大賑之外所餘無多其所撥通
漕前糧等米亦經領運散賑無存懇恩再肯撥銀

米以濟賑需等語著照所請再於部庫內撥銀二十萬兩通倉內撥米十七萬石交與該督楊廷璋董率所屬查明應賑數目據實速為支發妥協經理務令窮民悉被恩膏副朕有加無已至意該部即遵諭行

五月二十七日奉

上諭前因甘省採買賑恤等項需用較繁曾於乾隆三十一年降旨撥借部庫銀三百萬兩赴甘備用業已支用全完通年米買穀備賑諸事又於隣省節次協撥銀三百餘萬兩亦經動用今年甘省得雨較遲現需借糶接濟而已經支給之穀均應於秋成買補還倉所需銀項自宜早為籌備著於

戶部庫內撥銀二百萬兩派委官員解赴該省存貯備用該部遵諭即行

六月十二日奉

上諭甘肅上年收成歉薄今春雨澤又復稀少恐不能及時播種民食未免拮据節經傳諭該督等辦借糶以資接濟並令將該省現在情形據實奏聞候朕酌量加恩今據署總督文綬奏稱甘省州縣有於四月中得雨已足業經補種秋禾者尚可望有收成其得雨較遲之處晚禾不能復種現需籌辦等語甘省土瘠而寒早歲止一收其曾經及時趕種者尚可冀秋成有獲若夏秋俱不足種小民終年待哺口食維艱朕心深為軫念著加恩將

甘肅現被夏災不能趕種秋田之各州縣屬屬即
照秋災之例查明加意賑卹分別蠲緩俾貧民不
致稍有失所昨已降旨於陝省藩庫撥解銀二百
萬兩赴甘所有應需辦災銀兩自屬寬裕而撥運
米糧雖有三十萬石尚恐不敷賑糶之用文綬於
陝省倉儲多寡乃所深悉現在署理督篆經由甘
省其有可就近續行的撥應用者著即悉心籌畫
速行奏聞撥運以濟要需吳達善到任後並宜董
率所屬實力經理務俾閭閻均霑膏惠生計有資
副朕廑念邊氓至意該部即遵諭行

七月十四日奉

上諭今年七月初雨水較久直隸瀕河州縣間有

被水之處已屢諭該督據實查明照例分別妥辦
毋使一夫失所著戶部動撥庫銀五十萬兩發交
該督備用該部即遵諭行

十八日奉

上諭今年七月初近京一帶雨水較多瀕河州縣
低田間有被淹之處節經諭令楊廷璋悉心查勘
分別賑借並撥部庫銀五十萬兩交該督貯庫備
用而撫卹諸事本石在所必需現在漕艘尚有未
抵通者著再加息截留漕米五十萬石即於天津
之北倉起卸存貯聽需米州縣就近領運俾災黎
餬口有資均霑實惠其卸米之船即於彼處飭令
回空亦為迅便著交倉場侍郎妥協經理該部即

遵諭行

九月十四日奉

上諭今年近畿秋雨過多瀕河州縣低田多有被
淹之處節經截漕五十萬石並發部帑五十萬兩
諭令該督楊廷璋查勘被災情形分別妥協辦理
其較重之宛平等十八州縣並令將成災在八分
以上者於八月內先行急賑一月以資接濟現屆
冬月人賑需用銀米較多恐所截漕米尚不敷支
撥著再加恩撥通倉米三十萬石交與楊廷璋酌
核應撥州縣及早領運備用仍董率屬員實心經
理務俾閭閻均沾實惠副朕軫念災黎至意該部
即遵諭行

乾隆三十七年正月十三日奉

上諭上年直隸地方因秋雨稍多濱河窪地間被水淹已降旨撥給銀五十萬兩米八十萬石以資撫恤復於新春降旨將被災較重之宛平等二十四州縣再行展賑一月並有缺乏籽種及糧價稍貴之處隨時蠲借兼行俾貧民得資口食今據周元理奏稱從前奉撥銀米尚在不敷動用懇恩再行的量費撥以濟加賑借糶之需等語著照所請再於通倉內撥米十八萬石部庫撥銀二十五萬兩交與該督周元理並率所屬齊心經理務使窮產均霑恤澤不致稍有遺濫副朕加惠閭閻至意該部即遵諭行

乾隆三十九年九月十三日奉

上諭據周元理奏天津府屬七縣偶被偏災該處倉貯米穀因從前屢經賑借且疊蒙恩旨蠲緩現在常平社義等穀僅存五萬餘石不敷今冬賑借足明春借糶之用等語天津府屬七縣因夏秋雨澤未善收成稍歉雖係一隅偏災恐冬春之際民力未免拮据朕心深為軫念著加恩於通倉內撥米十萬石交周元理即行領運酌備被災各屬冬春賑借平糶之用該督務董飭所屬妥協經理副朕優恤災民之至意該部即遵諭速行

十月二十五日奉

上諭前因淮安一帶今秋被水節降諭旨加意撫

郵傳災民不致失所據高晉等奏稱災地需用米糧一項必須豫為籌備本省各屬常平倉穀恐尚不敷撥用等語著該督等即於江蘇各屬漕糧內截留米二十萬石的量災地遠近或全數撥留或按屬派撥並令該督等迅即妥協經理以備明春賑糶之用

乾隆四十年三月初四日奉

上諭上年直隸天津河間等府各屬倉穀因賑動用者例應補買但恐一時官買過多致市間糧價稍昂於民食未免有礙著加恩截留豫東二省漕米十萬石暫貯北倉交該督周元理酌量領運撥補俾民間多留蓄藏以示優惠該部即遵諭行

閏十月二十五日奉

上諭據文綬奏川省所產雜糧現訪夔關一帶截留禁止販往楚省一摺所辦非是川省產米素稱饒裕向由湖廣一帶販運而下東南各省均賴其利近年因辦理軍務糧糶多經該督等奏准暫停夔關出木以供軍儲而資民食尚屬可行至各項雜糧仍當聽商販流通俾從民便不應在禁止之例今大功指日告成軍糧儲備充盈採買較前漸少何以轉加飭禁况本年江蘇安徽俱被偏災米價不免昂貴若得上游糧食源源販運兩省之民更可藉以接濟所有文綬截禁雜糧越省一事斷不可行即著停止現在官兵乘勝深入便可掃

穴擒渠一經紅旗馳報並應將川省米石聽其運
出變關販賣無許再行禁遏俾各省商民均沾利
益副朕惠愛普周至意該部遵諭即行並將此通
諭知之

御製四川總督文綬奏開變關米禁請以誌事

中

金川逆王命問罪有師指惟是地險要征以五年
矣儲備出民間過糶不得已昨歲文綬奏持籌熟
策矩叶並欲禁雜糧變關販賣止

通年征勦金川
軍時需米因從

該督等之請暫禁川米出關去冬文綬奏川省所
產雜糧亦請飭變關截留禁止商販朕以雜糧非
軍糧所用應仍聽估拍流通俾從民便且昨歲江
蘇安徽兩省俱被偏災布直不免騰踊若得上游
糧食販運可資接濟固不亢所請並諭因計江浙
令大功告成後變關川米亦當弛禁

因計江浙
民接濟賴餘此如何概絕之覽得批弗許叶且今

一聞後即免裁穀米通來屢報勝賊巢圍尺咫茲
接驛章呈弛禁一遵旨茲據文經奏大功即日告
成軍糧儲備充盈無虞後
行採買已遵旨將愛關流通利閭闕是固吾所喜
開禁仍聽運米通商

乾隆四十一年六月十六日奉

上諭前據畢沅王重望節次奏報今年甘省皋蘭
等二十九廳州縣得雨較遲已成早象節經傳諭
該督等急籌撫卹實力經理前日通畢沅奏到盤
查甘肅藩庫實存銀數共有四百一十四萬五千
餘兩朕因該省成災處所甚多賑卹所費不少而
司庫所存銀兩尚有應用歲需各款所餘恐不敷
撫恤之用隨令戶部約畧查核今據覆稱該省前
項銀數雖係實存司庫但除每年額支養廉俸餉

等項僅餘四十五萬餘兩可供動支而四十年兵
餉項下應支若干應存若干未銷尚未題到無憑
查核細數等語著傳諭勒爾謹即查明甘省司庫
實存項下除歲需應支若干實在尚餘若干是否
足敷今年賑恤各屬災黎之用倘或不敷前部
撥解川銀三百萬兩因金川大功告成截留存貯
西安藩庫著該督即行奏聞於此內酌撥銀若干
萬兩就近運解甘省藩庫以備賑恤該督仍董率
各屬妥協經畫務使均需實惠毋任姦吏奸胥侵
冒中飽將此由六百里傳諭知之

御製署使甘總督畢沅奏甘省各屬被旱情形詩

以誌事

丙申

從來地瘠民貧處忽報霜濃雨缺聞先是華沅春
以從而澤稀少任風時作雲起輒為吹散兼有被
霜之處麥苗受傷秋禾大半不能出土即已出者
亦不能長仔細現今皮鋪祈禱若早得甘霖尚可補
種晚禾茲麥深為屨念諭令速奏得雨情形並道
據奏五月二十四等日得雨二寸三寸未能深
透是甘省早麥已成且節在小暑邊地氣候早寒
即結得遲青亦難稠整補發急飭該督等率奏因
屬悉心履勘善為撫恤毋致貧民稍有失所奏因
文收絕夏望禾仍得澤冀秋殷覽御已切尸祝代
而我曹無遠近分乏善策惟力補救豫救發節備
明勸甘省藩庫雖存貯四百餘萬兩但恐需用較
除備支俸餉外或不敷賑恤所需即於留貯兩安
藩庫軍需項下就近酌撥銀一二百萬寬為備用

平惠全書卷五十二

截撥裕食六

乾隆四十三年閏六月二十六日奉

上諭豫省昨歲秋成歉薄今年夏麥亦復缺收閭閻未免拮据業經疊降恩旨加意撫恤蠲緩俾令得所幸各屬於六月中普得透雨大田俱已趕種可望秋成第今距秋收之期尚早現在糧食恐未必即能充裕著將江西省尾後數幫之米截留十萬石於臨清水次令鄭大進委員接運回豫以資儲備接濟該總督即速酌定幫數船隻飭知押運各員妥協辦理該撫亦即派委幹員照料妥辦該部即遵諭行

七月初二日奉

上諭前因豫省今年麥收歉薄降旨將江西尾後
數幫之米截留十萬石於臨清水皮令豫省接運
以裕民食因念山東濟南東昌各屬及直隸大名
廣平順德等各府均有缺雨之處二麥大半歉收
市糧未能充裕雖不至如豫省之甚民食究不免
拮据著再將江西尾後數幫之米於山東直隸各
截留五萬石以資接濟其應截何幫船隻即著鄂
寶酌量分撥檄知仰運各員迅速妥辦至兩省應
於何處水次截留運貯之處著周元理國泰酌量
妥協籌辦仍即一面辦理一面具摺覆奏該部即
遵諭行

初六日奉

上諭據省儀封考城二汛內河隄現在漫口急需堵築而被水災民並需撫卹卹應用之項較多豫省藩庫所存銀兩恐不敷用著於兩淮鹽課項下撥銀五十萬兩伊齡阿即日派委委員迅速解豫以資任濟該部即遵諭行

初六日奉

上諭前因豫省去歲秋收歉薄本年夏麥又復歉收閭閻未免拮据業將江西省後替之木截留十萬石於臨清水次令鄭大進委員接運回豫以資儲備今據姚立德等奏稱儀封考城汛內河隄漫口具被水災民現需撫卹應用不得必多著再將

江西尾幫漕米截留十萬石與豫省備用著鄂寶
即速查酌應截何幫之米飛檄押員遵照妥辦並
著鄭大進即行的量於就近災所之運河水次委
妥員接運一面飛咨鄂寶查照一而具奏該部即
遵諭行

十二日奉

上諭據鄭大進奏豫省儀封考城二汛漫口急須
購料堵築被水窮民均宜賑卹懇發銀一百萬兩
解豫備用等語前因議考兩汛漫口工程較大災
黎並需撫卹恐豫省庫貯銀兩不敷未待該撫奏
請已降旨撥發兩淮鹽課銀五十萬兩速解豫省
以資接濟著再於兩淮鹽課項內撥銀五十萬兩

令伊齡阿即速派委委員解赴豫省備用該部即
遵諭行

十五日奉

上諭前因豫省上年收成較薄今夏二麥缺收民
食不無拮据即降旨截留江西尾幫漕糧十萬石
令豫省於就近水次運回備用嗣於儀封考城二
汎漫口復截留漕糧十萬石於豫以資賑卹並先
從撥給兩淮鹽課銀一百萬兩俾銀穀兼賑災民
不致稍有失所今復思該省秋禾雖可望有收而
議考兩汎現有要工料物並需各屬辦運恐於冬
間免漕諸務不免兼顧為勞著再加恩將豫省本
年應行起運漕糧內酌量粟米十萬石留貯該省

以省挽運之費並可備賑糶之用該撫務董率所屬齊心經理俾閭閻均霑膏惠以副朕軫念災黎之至意該部即遵諭行

八月初九日奉

上諭前據三寶陳輝祖奏湖北今夏得雨稍遲米價漸長遇有川米過境催截運售等語此非邊糶而何朕以該督等為楚省民會計則得矣不知江南向每仰給川楚之米今歲亦間有偏災更不能不待上游之接濟且楚米既不能販運出境若復將川米截住不令估船運載順流而下則江南何所取資該督撫止就本省善核所見殊小豈朕一視同仁之意隨即傳諭訓飭如川省米船到楚聽

其或在該省發賣或運赴江南通行既甚總聽商
便勿稍抑遏嗣又據文綏因楚省有買川米之咨
奏稱川西川南雖獲豐收恐商賈紛集爭糴或致
米價騰踊擬將水次州縣各倉內撥二三十萬石
碾米運楚應用等語名為設法調劑實欲藉此塞
責禁止商糴也所見與三寶等相同隨即飭令不
必將倉穀碾米運楚聽商販源源糴用楚閩驗放
不得稍有留難在該督撫僅就一省起見或分疆
界朕視天下百姓皆吾赤子豈亦如伊等之分疆
界乎且伊等皆國家大臣自當以朕之心為心豈
宜意存畛域若徒知各子其民囿於私見不亦可
鄙乎如川省米船運糴流通固屬甚善但恐川船

到楚僅數該省之用不能分運則江南糧價或致
增長深為慮念著傳諭文綏將擬撥楚省之倉穀
二三十萬石即速就各水次碾米運赴江南備用
並諭薩載等酌於何處接運分撥需米之各地方
隨時出報以平市價而裕民食一面咨照文綏辦
理一面奏聞至川省動撥倉穀俟明歲穀賤時再
行買補該督撫速為遵照妥辦該部即遵諭行

十一月十三日奉

上諭本年豫省黃河漫口儀封考城一帶被災較
重業經降旨於兩淮運庫撥銀一百萬兩以為工
賑之需復命截留江西漕米及本省新漕三十萬
石以備賑卹第念該省災重之區明春尚需加恩

展賑恐有不敷者再撥戶部庫銀六十萬兩連派
委員解赴豫省俾資接濟該部即遵諭行

乾隆四十四年正月初三日奉

上諭前據陳輝祖奏請撥解賑銀七十萬兩業已
降旨撥給其另片聲請另撥銀六十萬兩以備加
賑之需經軍機大臣具奏以該撫所稱尚屬約畧
之詞未便遽撥令該督撫將實在應需加賑折色
銀數若干詳悉查核覆奏到日再定意在核實辦
理並非為節省帑項起見也今據三寶等奏江夏
等十八州縣及九衝所加賑一月口糧需費折銀
五十九萬八千七百六十餘兩擬借用司庫封貯
銀兩及寄貯荊州滿營馬價並鑄錢餘息等銀俟

將來陸續歸款此時毋庸請撥等語所奏非是朕
惠愛黎元惻隱在抱凡遇水旱偏災無不即發帑
金多方賑恤期無一夫失所即數逾百萬從不稍
有吝惜此天下臣民所共見共知者况今庫藏充
盈其所請之六十萬兩尚不及庫貯百分之一且
用以贍卹災黎更何所靳乎三寶等既經查明竇
需加賑銀約六十萬兩即應奏請撥給乃紛紛等
借動用而以暫時毋庸撥發為詞所借各款將來
仍須分別歸還何必徒費一番周折三寶等非特
不能善體朕意亦併不善於辦事矣如照伊等所
奏恐外間無識之徒妄生議論且恐他省督撫聞
之漫為臆慮遇有應辦災賑轉致諱匿所係甚大

封疆大臣豈可不以保赤為懷存此借費小見乎
著於戶部庫帑內即撥銀六十萬兩解往該省為
加賑之需該督撫務量飭所屬實力妥辦使貧民
均霑膏惠該部遵諭速行並將此通諭中外知之

二月初六日奉

上諭上年湖北被災處所較多藩庫存銀一百一
十四萬餘兩俱因賑卹動用並借動封貯銀三十
五萬兩業經降旨於浙省撥銀七萬兩部庫撥銀
六十萬兩解往該省止數正加賑之需即歸還封
貯原款為數亦未為充裕若再於部庫撥銀一百
萬兩解交該省司庫存貯以資備用

十月初一日奉

上諭朕明春巡幸江浙所有俱宿頓次皆出自帑項絲毫不可累民第扈從官兵以及外省接駕人等輻輳雲集經過地方米糧價直恐一時或致騰踊著照從前之例於江浙二省冬冬免漕糧內各截留十萬石在水陸駐蹕地方分廠平糶即令漕運總督及各該督撫妥協辦理該部即遵諭行

十一月十九日奉

上諭安徽省所屬之亳州蒙城暨下游鳳陽泗州各處低窪地畝本年秋季間被水前經諭令該撫等按照災分輕重分別給賑各處貧民自可口食有資但念本年被水處所即係上年被災之地昨歲曾撥運川米十萬石分給平糶是以米價不致過

昂今該處仍復被水恐明歲青黃不接之時災地窮黎究不無拮据該省潁州鳳陽泗州三屬及六安霍山二州縣今歲俱多豐熟與各災地相距最近著該撫即於各處應徵漕米內加恩截留三萬五千石撥備明春減價平糶以濟民食該部即遵諭行

十二月初四日奉

上諭前因豫省黃河漫口節次撥給部餉及兩淮鹽課銀三百六十萬兩以備工賑之用現在堵築事宜業屆歲功恐需用不敷著戶部再撥銀二百萬兩照例迅速解往以資接濟該部即遵諭行

乾隆四十五年正月十六日奉

上諭朕巡幸江浙上年業經降旨照從前之例於江浙兩省冬免漕糧內各截留十萬石豫備臨時平糶之用所有此次減歇漕船向例止給一半月糧於該丁等生計未免拮据著加恩於應給月糧外再賞給十分之一以示體恤該部即遵諭行

八月十三日奉

上諭本年直隸雨水頗多各州縣間有淹浸之處現經漸次涸出而被水地畝收成不無歉薄朕心深為軫念著加恩於天津水次截留漕糧十萬石存貯北倉以備直屬分運賑恤之用俾貧民口食不致拮据以副朕軫恤窮蒼至意該部即遵諭行

二十日奉

上諭前因直隸雨水過多被淹地畝收成不無數
薄曾降旨截留漕糧十萬石以備賑卹之用今據
鄂寶等奏漕運遲到著再截留二十萬石存貯北
倉既可令其早回交運卽以備接濟直隸各屬賑
卹或補州縣倉貯亦屬兩便該部卽遵諭行

十一月二十日奉

上諭本年直隸夏秋雨水稍多武清房山等四十
一州縣田禾被淹業經降旨截留三十萬石以備
賑濟之用但念其中有被災情形較重者明春尚
應加恩展賑恐該省現貯銀兩不敷動撥著再加
恩賞撥通倉米三十萬石部庫銀三十萬兩以資
應用該部卽遵諭行

乾隆四十六年七月二十四日奉

上諭本年六月江蘇崇明縣猝遇風潮被災較重貧民口食未免拮据著加恩於蘇屬本年應行起運漕糧內截留十萬石以備賑濟平糶副朕軫恤災黎之至意該部遵諭速行

九月十九日奉

上諭據袁守洞奏天津靜海二縣窪下地畝動明偏災所需賑米請將奉天海運溢額餘米賞撥等語著照所請即將奉天海運溢額餘米賞撥等二千餘石賞撥天津靜海二縣為賑恤之用該部即遵諭行摺併發

十一月初七日奉

上諭本年江蘇徐州府屬沛縣睢寧豐縣銅山邳州宿遷等州縣被災較重已屢經降旨准撥藩庫糧道庫銀五十五萬兩現又據蒞臬奏准其於兩淮鹽課應解部銀內再行動撥銀五十萬兩以資賑卹第念該處米穀恐尚不敷賑糶著再加恩於淮徐各屬本年應行起運漕糧內截留五萬石以備賑濟平糶之用該督等務須督飭所屬查明災地情形分別賑糶實力妥辦俾小民口食有資毋使一夫失所副朕軫念災黎至意該部遵諭速行

三十日奉

上諭本年豫省青龍岡漫口黃水灌入東省湖河江南之沛縣正當下游受惠較甚該處城垣經漫

水淹浸下無坍塌居民避水移徙者田廬亦間有漂沒從前已屢經降旨加恩撫卹現在豫省漫口業經合龍所有該縣被淹地方全可涸出城垣廢舍必須亟為補葺著於兩淮鹽課銀內撥給銀五十萬兩交與薩載將該處城垣修理完竣並查明移徙戶口設法招徠安撫酌給寧家鮮葺資費該督務董飭所屬悉心勘估實力上緊辦理以副朕廑念災區惠愛黎元之至意

乾隆四十七年八月十八日奉

上諭據明興奏兗曹等府州屬被水地畝現在籌辦賑濟請將江西重運幫船截留米二十萬石以備賑卹等語今歲江西重運抵津較遲東省既須

裁留自應如該撫所請辦理至該省現解賑濟如需用木石較多不妨多為籌備即於江西幫船內截留木三十萬石更可以資接濟若明興酌量辦理

十月初七日奉

上諭據薩載等奏徐州海州淮安所屬本年被災較重請於江屬成熱州縣截留漕糧八萬石等語江省所屬因下游漫水連被災侵疊經降旨加恩賑恤需用木石較多著照該督等所請於江屬成熱州縣內就近截留漕糧八萬石以資接濟

十一月初四日奉

上諭據英廉奏直省各倉因賑卹之後儲穀未能

足數請將天津北倉截留漕米九萬二百三十二石零賞撥直省以補缺額等語著照所請北倉截存之漕米全數撥給直省缺額州縣各倉存貯該部知道摺並發

乾隆四十八年十一月十三日奉

上諭朕明春南巡著照從前之例於江浙二省冬免漕糧內各截留十萬石在水陸駐蹕地方分廠平糶卽令漕運總督及各該督撫妥協辦理該部遵諭速行

乾隆四十九年正月二十五日奉

上諭朕巡幸江浙上年業經降旨照從前之例於江浙兩省冬免漕糧內各截留十萬石豫備

平糶之用所有此次減歇漕船內例止給一半月
糧於該丁等生計未免拮据著加恩於應給月糧
外再賞給十分之二以示體卹該部即遵諭行

乾隆五十年二月十一日奉

上諭何裕斌奏上年工賑並舉現在庫貯不敷展
賑支絀之用請撥動鄰省庫銀五十萬兩解豫備
用等語豫省距京不遠所需備用銀兩即著於部
庫內撥給銀五十萬兩委員分起解往以備展賑
之用該部即遵諭行

三月十二日奉

上諭畢沅奏豫省河北一帶各屬倉儲因連年積
欠蠲免散給存貯無多請於豫省應行起運米豆

內截留十二萬餘石並於山東起運漕糧內就近
截留八萬石方足二十萬石之數以備接濟等語
河南衛輝一帶近歲被有旱災疊經降旨蠲免
賑俾窮民得資餬口現在尚未得有雨澤朕軫念
災黎無時稍釋自應寬為儲備俾倉糧充裕以供
賑借之需竟者於豫東兩省內截留糧三十萬石
若東省漕糧不敷者即於南省就近各幫漕糧內
撥給俾資接濟該部即遵諭行摺併發

御製河南巡撫畢沅奏請截漕以備賑饑即允所
請並誌以詩已

衛輝連歲旱石田千里赤即今仍望雨雲漢獨關
澤道賦及獨逋加賑穀謹院然恩資良吏推行善

擊盡裕城恭謹人守餘難勝劇是用與畢沅奏豫

更相易前

以街輝各屬連年被旱該撫何裕城謹

撫何裕城

調備陝西巡撫並令畢沅即入體體民

往街輝省

心履助善辦一切災賑事宜入體體民

艱截漕請

以迫斯誠符我意肯令部議格畢沅到

即奏請將

陝省漕糧截留十二萬石山東漕糧

未成例以

天庾為重議駁因即於摺內批允並持

降諭旨加

以三十萬石以資接濟畢沅准任伊始

即能如此

善解膏為盡心民瘼目可披摺即批行

感格

天和或致甘香速霽也

天庾豈吝

惜甘萬增卅萬俾救溝中瘠因思齊豫

連或亦資

善策毋使數向隅大吏詢詳悉工年山

各屬秋雨

稀少歲收亦不為豐足今截留山東之

未以濟河

而恐山東之民不無向隅因傳諭總漕

毓奇山東

巡撫明興如近日東省尚未得有連雨

有應需接

濟之處即會高臣詳將南省附近漕糧

截留十萬

石以天子民之父愛民匪他責調暮愧

無能梅吟忽難釋

五月十三日奉

上諭明興奏曹州東昌濟寧臨清各府州屬雨澤稀少麥收歉薄現在未得透雨地方未經播種者尚有三十州縣將來恐有應需接濟之處東省倉儲歷年額數出借尚未買補運食積貯無多請截留雨漕二十萬石存貯備用等語東省曹州東昌等處雨澤愆期曾經借給口糧籽種並加恩將應徵帶徵錢糧倉穀緩徵以紓民力各該處未得透雨明興早當奏請截留漕米寬餘儲備俾資接濟著於南糧頭進在後各幫內截留二十萬石存貯濟寧聊城水次以備應用該部即遵諭行

御製命截留漕二十萬石於山東備賑詩以詩事

乙

從未天庾司農借

向來各省督撫奏請截留漕米若怪部議多以天庾正供為重

議故是以歷年截

每用截漕

請作持旨行百姓足

君執不足據方堯克欽同堯

昨因河南街輝等屬久旱慮災區民食結

据已特降旨截留漕糧三十萬石備賑濟之用

東省曹州子屬缺雨情形畧同自應一體接濟

正供廿萬留資賑舊欠多年早緩徵

明興奏曹州清各府州屬未得透雨者高有三十州縣請截留

而漕二十萬石存貯備用前經降旨借給口糧

種並將兗州曹州濟寧三府州屬應徵帶徵錢糧

倉穀俱免至秋成後徵收以紓民力茲再降旨於

而漕內截留二十萬石存貯

肯使窮黎向隅泣無能調幕愧而悻

二十五日奉

上諭江蘇淮徐海三屬本年雨澤愆期二麥收成
歉薄現距秋成尚遠農民未免拮据所有被旱最
重之銅山豐縣沛縣蕭縣碭山邳州雖寧甯遠安
東早寧桃源十一州縣實在貧民著借給三月口
糧被旱次重之清河鹽城海州沭陽贛榆五州縣
貧民著借給兩月口糧以資接濟再該處州縣倉
儲頻年賑貸所存糧食無多其淮安一屬著該督
撫就近酌撥調劑所有徐海二屬隣近豫東二省
地方糧價不無昂貴著於邳宿一帶水次截留漕
米十萬石以八萬石分撥徐州各屬二萬石分撥
海州各屬以備賑貸之用該督撫其實力奉行以
副朕軫念災黎毋使一隅失所之至意該部即遵

諭速行

御製命於淮北截留漕米十萬石以備賑貸詩以

誌事已

淮徐近豫省雨澤亦愆期念波池魚殃馳諭屢問
之前因淮徐海各屬與豫省相近雨澤亦不足
誠恐有礙人田因降旨馳諭該督撫令其酌量
調劑據茲接大吏奏民艱屋齋咨難徇例報災據
竊速奏
臣查元夏月被災創於秋穫時確勘分數
臣理惟淮徐海三屬被旱較重秋收尚速請將被
旱最重之銅山等十一州縣實在貧戶酌借兩月
口糧次重之清河等五州縣實在貧戶酌借一月口糧
朕以該處早災較重應速行乾濟豈得徇泥報災
成例遲至秋收因即降旨將災重之銅山豐縣沛
縣蕭縣碭山邳州睢寧宿遷安東阜寧桃源十一
州縣貧民均加恩借給三月口糧次重之清河鹽
城海州沐陽贛榆五州縣貧民均借給兩月口糧
月口糧均於原奏外加給一月以資接濟
容遲借口糧多寡視災輕重為更請截漕米以備

賑貸資該督撫又奏稱徐海二屬州縣倉儲頻年
賑貸所存無多糧價不無昂貴並請截留
漕米等語因即降旨於邱宿一帶水次截留漕米
十萬以八萬石分撥徐州各屬二萬石分撥海州
各屬以備批行不待議恤災急燃眉南望益增愁
切籲甘膏施

二十九日奉

上諭據書麟奏安省被災地方較廣旬日內即得
透雨雖仍有北而鳳翔泗三屬乃積歉之區必
需豫籌接濟請於三進幫船內截留漕糧五萬石
以備賑糶之用等語安省亳州鳳陽等各屬上年
被水歉收本年又復雨澤愆期業經加恩分別借
給籽種口糧諭令該撫實力妥辦速籌接濟以紓
民力今各該處尚未得有透雨農民望澤孔殷未

免情形拮据自應寬為儲備俾資賑卹著照所請
於三進幫船內截留漕糧五萬石存貯備用該部
遵諭速行

御製命截留漕米五萬石於安徽者備賑貸之用

詩以誌事已

江北河以南今歲率艱雨淮徐既截漕風亮可忘
補况復接豫疆池魚殃更苦馳諭經屢詢漕米乞
截取安徽鳳潁泗各屬填接豫省與淮徐均屬被
旱前屢經降旨馳詢該處情形茲據該撫書
麟奏請豫省截留以備接濟之用因即降旨於三
進幫船內截留漕糧五萬石寬為儲備俾資賑卹
批諾不停時俾救饑民普司農爾莫借民庾即天

庾

六月二十八日奉

上諭前因安徽省亳州等屬雨澤愆期農民不能趕種大田情形拮据屢經降旨加恩撫卹並令截留漕米五萬石以備賑糶之用本日據薩載奏當塗巢縣靈璧亳州蒙城盱眙五河滁州來安和州等州縣均於六月初一初四等日得雨五分至一二寸不等其餘寧國旌德廬江霍邱太和天長廣德等州縣據報均未得雨等語看來安徽省亳州蒙城等處業已被旱成災將米尚須賑恤口糧以資接濟又據管幹珍奏江西十三幫漕船現俱抵清河縣境銜尾待渡約計六月底七月初可以全數渡黃等語江西各幫船身較重現在甫經渡黃恐不能迅速抵通著於尾後各幫內再截留漕米十萬

石交與該督撫以備安省賑恤之用該部即遵諭
行

七月十八日奉

上諭前據畢沅奏豫省藩庫除兩淮解到銀一百
萬兩備賑不入盤查款內現實存銀二十一萬五
千餘兩等語豫省賑卹等項需用繁多且藩庫祇
存銀二十餘萬兩亦覺太少著於部庫內撥銀一
百萬兩照例解往

二十四日奉

上諭據劉義奏本年直隸大名等十州縣雨澤愆
期冬春賑借需用較多請截撥漕米十萬石以資
賑借等語著照所請即截留漕米十萬石交與該

督分撥大名各州縣以備賑借之用該部即遵諭
行

八月初一日奉

上諭據薩載等奏淮安江寧常州鎮江揚州五府
屬本年被旱收成不無歉薄糧價漸昂請於現在
截留黃河以南江西漕米二十八萬餘石酌撥十
萬石分給淮安等五府屬平糶接濟民食所有糶
價提貯司庫俟來歲秋收豐稔照數買補帶運抵
通交納等語著照所請即於截留米石內酌撥十
萬石交與該督撫等分給淮安等五府屬以備平
糶之用俾民食得資接濟該部即遵諭行

十八日奉

上諭書麟奏安省安慶廬州等三十三州縣秋禾
被旱成災池州寧國等四府州縣亦多有災傷之
處請將鳳陽關蕪湖關應解正額盈餘銀兩暫緩
起解以備賑濟之用等語安慶池州等府州縣被
旱成災賑卹事宜自應豫為籌辦所有鳳陽關應
解正額盈餘銀十一萬六千一百十二兩零蕪湖
關應解正額盈餘銀二十三萬八千六百三十八
兩零著照該撫所請暫緩起解如賑濟需用即就
近動撥俾小民得資接濟以副朕軫念災區有加
無已至意該部知道借並發

九月十二日奉

上諭據李世傑奏現在欽遵諭旨將附近水次各

州縣常平等倉穀先碾動三十萬石今各州縣收貯俟楚販到境設市集之米不敷應糶即將倉米按照每月報部時價發糶等語所辦甚好前因江浙等省皆仰給川米惟恐湖北商民赴川販運該省產米或有未敷特諭李世傑即將常平義倉等穀先行開糶以資接濟今據該督奏到已遵旨將倉穀碾動三十萬石俟楚販到境按照時價發糶又同日據舒常楚省商船過境已有一千三百餘隻從江西販去米穀約有數十萬石等語是楚省米糧已經匯集四川江西二省自必將餘米運往江浙販賣安徽江蘇浙江各災區既有兩省之米源源接濟小民口食有資免朕南顧之憂覽奏

為之稍慰將此通諭知之李世傑舒常偕並發

十八日奉

上諭據特成額奏酌撥湖南倉穀碾運湖北俾下
游民食得資接濟又督催川南米船由湖北運下
江浙兼恐商賈趨利見湖北米糧價昂就近糶賣
下即東下江浙即將官穀撥往糶濟以平市價庶
商賈見楚省糧價減落多趨浙江更可獲利自然
之效現在飛飭隣近水次州縣各倉內動穀併於
兩省各派道府大員迅速妥辦等語所辦甚好該
督能如此存心不分畛域仰體朕節次降旨一視
同仁至意方得大臣之體甚屬可嘉特成額著交
部議欽以示獎勵湖北米石既有湖南接濟而江

西四川各商販又可源源而下是湖北江浙災藪之區均可無虞缺乏商販流通自可以平市價而裕民食略好朕南顧之憂矣將此通諭知之摺併發

十一月初四日奉

上諭向米京師需用麥石俱藉豫東二省接濟本年春夏之間該二省雨澤短少收成較薄未必更有寬餘以資商販雜運恐京中麥石入市稀少價直或致昂貴不可不豫為調劑今歲奉天各屬雨澤調勻麥收豐稔永璋鄂寶等查照向例採買麥二萬石委員運京以備支放糶糴之用

二十八日奉

上諭據吳垣奏湖北省現有展賑事宜連前加賑不敷銀兩除動支上雜各款分給各屬外尚不敷銀一百六十三萬請於隣省撥解以備支絀等語湖北今歲被災較重賑恤銀兩不敷自應早為籌備著於浙江地丁撥銀三十萬兩兩浙鹽課撥銀二十萬兩湖南地丁撥銀三十萬兩長蘆鹽課撥銀三十萬兩浙鹽關稅撥銀十萬兩九江關稅撥銀四十三萬兩共撥銀一百六十三萬兩該撫等各派妥委員解交湖北以備賑卹之用該部即遵諭行

二十九日奉

上諭據畢沅奏豫省賑恤事宜及河工修防等項

均需動用銀兩現在庫貯不敷請於附近隣省協撥銀一百五十萬兩以備工賑等語據省收成歉薄屢被偏災河工修防亦關緊要所有賑恤工需自應早為籌備著於山西藩庫地丁項下撥銀一百萬兩長蘆鹽課撥銀五十萬兩著該撫暨該各派委委員解赴河南以備工賑之用該部即遵諭行

十二月二十三日奉

上諭據畢沅奏歸德陳州彰德三府屬因秋禾被旱成災現在賑卹倉糧不敷動撥請將明春應行運通漕糧三萬一千九百餘石停其起運等語豫省災區需米較賑且地方米石充餘則市價不致

昂責著照所請將明春應行運通漕糧三萬一千
几百餘石停其起運留為歸德陳州等子受屬賑
師之用該部仍查照辦理

平惠全書卷五十二